



کلام حق

چشتیہ نظامیہ

حضرت پیر

سید محمد علی المعروف کالے خاں
حکمرہ شریف اوکاڑا

الذکر

کلام حق

۱

الف۔ اللہ سانوں مرشد سیا اسان الفوں سب کجھ پایا ھو
تن من دی رہی نہ خبر سانوں گھر والا گھر آ یا ھو
اول آخر ظاہر باطن ہر، ہر جسم سما یا ھو
کالے خاں دا بجھیا دیو امرشد آن جگا یا ھو

آ۔ آکھے رہیے سو کھالی لگ کامل دے آکھے ھو
پٹ خودی دی جڑ گواوے گھروں غیر طلاتے ھو
رنگ تو حید چڑھاوے سوہنا آپے قادر جا پے ھو
کالے خاں توں پٹ لاء منی ڈاڈے آگئے راکھے ھو

ب۔ بس کرودہ نہ اگے پیش نہ تیری چلے ھو
عشق سمندر مارے ٹھاٹھاں وچ رحمت دے اچھلے ھو
بنا فقر توں راز نہ ملد اپاویں جنگل بھین اکلے ھو
کالے خاں جس نے اپنا آپ ہار یا اوھو جت کے چلے ھو



۲

ت۔ ترک میں کیتا اپنا جدوں مرلی یار و اجائی ھو
لا الہ دا پھر یا مانجھا ھوئی تن من صفائی ھو
وحدت عین دی کثرت والا دسیا بھیت الہی ھو
کالے تو دل چٹا کیتا مرشد بوئی لائی ھو

ث۔ ثابت عشق نوں رکھی اگے منزل بھاری ھو
پل پل یاد تجن دی آوے میں صدقے میں واری ھو
شوہ و چوں توں یار نوں لبھیں، لا عشق دی جالی ھو
کالے خاں نوں مرشد ملیا آن وجی گھرتاڑی ھو

ج۔ جاندا میں ویکھیا اڑیو سوھنا یار نرالا ھو
تن من دے وچ رچیا میرے کالی کملی والا ھو
عرش فرش دامالک اڑیو دنیا دار کھوالا ھو
کالے خاں چھڈ جھگڑا اپنا جانے جانن والا ھو



ۛۛۛ ۛۛۛ ۛۛۛ ۛۛۛ ۛۛۛ ۛۛۛ

جاء نہ ساڈی ایتھے جتھے سوہنے قدم نکایا ھو
کوڑے دل دے محرم نسے جدوں سوہنے مکھ وکھایا ھو
آنا جانا بھلیا ایتھے جدوں یار نے پھیرا پایا ھو
کالے خاں پامیموں پردہ آپے آپ سما یا ھو

ح۔ حاکم آپے بنوں آپے حکم چلاوے ھو
آپے عین الحق پکارے آپے فتوالاوے ھو
آپے رب ارنی کھندا آپے طور جلاوے ھو
کالے خاں اے رمزانو کھی کوئی کامل ہی سمجھاوے ھو

خ۔ خواہش نہ چھڈیں اپنی خودی نور کھیں اگے ھو
توں میں دے وچ جھسیووں اڑیوں سچ نہ تینوں لبھے ھو
کرود حکار غرور اے تیرا تیں تیتھوں اگے ھو
کالے خاں جد مرشد ملدا جھگڑے مکدے بے ھو

ۛۛۛ ۛۛۛ ۛۛۛ ۛۛۛ ۛۛۛ ۛۛۛ

4

د۔ دلاں دی اوہ گل جانے جیڑ اتن دا تھیوے واسی ھو
و سے اندر لہیے باہر تھیندے او بد مانسی ھو
باہروں رب کدی نہ لب دا توں اندر پالے چاتی ھو
کالے خاں بھئی سے وریاں دی لہیے وست گواچی ھو

ذ۔ ذکر سانوں گرنے دسیا گروچ سب پسا رے ھو
گردی بہنی بہہ کہ دیکھی ملن پاک نظارے ھو
گر سچا ہر تائیں میلے آپے ہون اشارے ھو
کالے خاں توں گرنہ چھڈی پاویں کافر آکھن سارے ھو

ر۔ رنگ پور سو ہناڑیا جتھے رانجن کرے اتارے ھو
ہر شے تابعدار رانجن دی کدھر کرے اشارے ھو
مکھ سوھناتے لاٹ نورانی وچ رحمت دے چکارے ھو
کالے خاں بواہل مرشد اچائے ڈوبے چائے تارے ھو



۵

س۔ سانوالا یار میرا اے ہر اک شے دا والی ھو
کھڑیا باغ چمن نی میرا پنج تن میرا مالی ھو
جدھر ویکھ ظہور سوہنے دا جگہ نہ کوئی خالی ھو
کالے خاں تورہ نہ باقی اے دنیا و ہم خیالی ھو

ش۔ شوق دی چڑگئی مستی میں بھلی دانگ شدائیاں ھو
سکھیاں مینوں دین و دائیاں جدوں سنگ پیئے دے لائیاں ھو
میں ہاری جتیا پیا اے رمزاں عشق پڑائیاں ھو
کالے خاں اے عشق نرالا جو سنیاں سو پائیاں ھو

ص۔ صفت دی کنجی اڑیو سوہنا محمد میرا ھو
نام یار دالب تے آوے ہوندا دور اندھیرا ھو
عیسیٰ موسیٰ پہنچ نہ سکے جتھے سوہنے پایا پھیرا ھو
کالے خاں ہر شے کلمہ پڑھ دی جتھے یار کرے وسیرا ھو

۶

۶

ط۔ طلب نہ رکھیں کوئی نہ گن راتی تارے ھو

اکناں شوں وچ لائی تاری اک ریاں ندی کنارے ھو
اک ریاں امبروں خالی اک چڑھیاں عشق چبارے ھو
کالے خاں اوکسے نہ کم دے جو دم غفلت ہارے ھو

ظ۔ ظاریاں سن کے بجن ساڈے ویڑے آیا ھو

اٹ کھڑ کا گھر وچ کیتا مینوں چپ کرایا ھو
میں دکھیاری کرماں ماری، سوھنے کرم کمایا ھو
کالے خاں ڈردی ظاہر نہ کردی اکھیاں وچ لکایا ھو

ع۔ عشق نوں اوہ کی جانن جیڑے بنے پھر دے تاری ھو

حاضر چھوڑ دئے نوں لبھیں مت او ناں دی ماری ھو
اکناں من حکم سر سجدے دھریا اکناں دی انکاری ھو
کالے خاں گھراپنے ویکھیں میں جاواں صدقے واری ھو

۷


۷

غ۔ غور نہ تینوں تیری راہ دو جے نوں دے سے ھو
قلبی نور توں باغی ھوئیوں وانگ جڑک دے تکیں ھو
کامل داجد بوا ملیں وانگ گھڑے دے پکے ھو
کالے خاں پھل رہبر بوئے پتا لگے جدوں چکھیں ھو

ف۔ فکر نہ دل وچ رہ سی جو مالا عشق دی گتے ھو
منکا پھرے محبت والا نام یار دا چپے ھو
لا خوف او دنیا او تے گر جناں دے سچے ھو
کالے خاں توں ویکھ تماشا تیرا کجھ نہ بچے ھو

ک۔ کرم جگا ون والا سجن ملیا مینوں ھو
حال کال دا محرم توں اے سب توفیر کاں تینوں ھو
میں تیری تو میرا وچ میں رکھا کنوں ھو
کالے خاں نقطہ غینوں چایا پھر ویکھا میں عینوں ھو





ل۔ لگ گئی اڑیو جتھے پین ماہی دیاں دساں ھو

م۔ مذہب نہ رہ گیا میرا جدوں اندر چاتی پائی تھو

[illegible]



مرشد سوہنا ڈھول دیتا بے عقلاں دے گل سجے ھو
م، الف دی ھوئی کثرت دم دم ڈگاوے ھو
جنیں سنیا اوھو جاگی پھیت یا ردا کجے ھو
کالے خاں اے ڈھول انوکھا کامل باجھ نہ لھھے ھو

ن۔ نظر بے طالب اوتے کامل مرشد پاوے ھو
میلے توں کرچٹاں دیندا جیویں دھوبی کاٹ لے جاوے ھو
پاکے مٹ عشق دے اڑیا رنگ تو حیدی چڑھاوے ھو
کالے خاں جدوں رہبر ملدا اکندن کردکھلاوے ھو



10

وساکھ

چڑھیا وساکھ وساکھی آئی عشق تموراو بے ھو
پھڑکے چوب حسن دی بیٹھاراگ نفی دے کڈھے ھو
عقل منداں نوں مول نہ سن دا بے عقلاں گھر بے ھو
کالے خاں گر کامل چاہیے یار مرلیسی سدے ھو

جیٹھ

چڑھیا جیٹھ عشق سہانے آن کیتی روشنائی ھو
توں میں والے اٹھ گئے پردے جدوں اندر چاتی پائی ھو
سکھاں دکھ نوں خوب جلایا جدوں گر چواتی لائی ھو
کالے خاں ہر وچ ہر دے جدوں بات گراں سمجھائی ھو

ھاڑ

چڑھیا ھاڑ دیو مبارک ملیا دل دا جانی ھو
نال یقین دے ڈٹھاڑیو چھٹیا ذکر زبانی ھو
سے کواں دا پند مکا یادے گیا یار نشانی ھو
کالے خاں گر وچوں پایا تو کون مقامی ھو



ساون 11

چڑھیا ساون عشق ماہی دے اُچیاں پینگاں پائیاں ھو
لاالہ دالمیا چوٹا ھوئیاں دور بلائیاں ھو
الہ اللہ گھر آن وسایہ مکیاں سب جدائیاں ھو
ہر دم نام محمد چپاں جد باتاں گر سمجھائیاں ھو

بھادوں

چڑھیا بھادوں عشق ماہی دے کیتا مینوں جھلی ھو
پیچھا پوں کے جد میں ڈٹھارہ گئی اک اکلی ھو
گیڈرکتے ایتھوں نسے جد جوہ شیرنے ملی ھو
کالے خاں گرے بے باجوں ھوندی نہیں تسلی ھو

اسو

اسو آس چروکی رکھی سجن انگن آئے ھو
دل دی آن سلامی دیتی نینا چرمٹ پائے ھو
مارا اشارہ اندروڑیا دل دے روگ گوائے ھو
کالے خاں ایتھے گیا گواچہ جدوں گر تماچہ لاوے ھو



12

کاتک

کتے کتیا کار نہ تیرے بن گر چر خاڈاویں ھو
لٹھ تیری پسواٹے مارے اُلجھ گولوٹا پاویں ھو
کوں کوں واج سنے نہ تینوں ایویں وقت گواویں ھو
کالے خاں گر کامل باھجوں اے نہ واج بناویں ھو

مگھر

چڑھیا مگھر ساڈے اتے سوھنے کرم کمایا ھو
ڈونگیاں ندیاں طلا پرانا سوھنے کدھی لایا ھو
میں جھلی نو سوج نہ کائی سوھنے راہ وکھایا ھو
کالے خاں گر جیوے کامل جنے اے کرم کمایا ھو

پوہ

چڑھیا پوہ درجن دے گیت خوشی دے گاواں ھو
سوھنے نے مینوں سوہنی کیتا اس دی خیر مناواں ھو
میں کو جھی نہ کار کسے دی اج سوہنے نوں بھاواں ھو
کالے خاں گر سچے اگے اج سیا پی جاواں ھو



۱۳

ماگھ

چڑھیا ماگھ ویکھن لگی ڈٹھا گھر دا اسی ھو
نہ کوئی اتھے روون پٹن نہ کوئی اتھے ہاسی ھو
نہ کوئی اتھے خوشی خوشالاں نہ اتھے غمی ادا اسی ھو
کالے خاں گر سچا ھو وے کر دا اذاتو ذاتی ھو

پھگن

پھگن وچ فراغت ھویاں ملیا یا ریگانہ ھو
کوٹھے چڑھ کے کراں اشارے مڑیا مہرباناں ھو
عشق تیرے نے پھوک جلایا جیویں شمع پروانہ ھو
کالے خاں گر سچے اگے دیواں سرنزارانہ ھو

چیتر

چیتر چت ادا اسی لائی غم دے بجن روٹھے ھو
وڑیا آن خوشی گھر ساڈے پوختی پہرہ ستے ھو
سوہنیا نیناں چڑھیاں لائیاں جیویں مینہ ساون دے اٹھے ھو
کالے خاں گر سچا چاہیے جیڑا کرم جگا وے ستے ھو



۱۴

الف۔ اکھیاں میٹ کے پھریں یاراں رکھیں خودی تے کیتے نے آن چیرے
ٹگھے وانگ تو لو جپ یار اصح شام بدھے آن گھیرے
جس ذات نوں تو مندر مسیت لبھیں اوں وسدی اے ہمراہ تیرے
کالے خاں لب گوانڈوں جاندا کامل پیشوا دے جدوں ہویں نیڑے

انکھیں کھول کے ویکھ لوں یار وسدہ ای تیرے کول کڑیے
چوکھٹ یار دی سیس جھکا دیوں کوئی بول نا او پر ابول کڑیے
تینوں کیتا سجدہ فرشتیاں نے تیرے جیہا نہ آیا ہور کڑیے
کالے خاں اصل دی سیاپ فیر آوے کوئی کامل گرنوں تول کڑیے

اکھیاں کھول کے ویکھ کڑیے نیں یار تیرا تیتھوں دور کڑیے
یار گھر گوا چیا لبھیں باہر تیرے ویکھنے وچ قصور کریے
آئینہ دل دا کر کے صاف ویکھیں نظر آوے گا نور ظہور کڑیے
کالے خاں او دھوں پردان جا پیں جدوں صاحب دی نظر منظور کڑیے



۱۵

اکھیاں کھول کے دیکھ لو یں اینویں نہ عمر گوا کڑیے
تند لہر عشق دی کت لو یں راضی ہوے گا تیرا خدا کڑیے
متھے سگی گل نامہ جھمکے عشق دے کنیں سجا کڑیے
کالے خاں خوشی دے نال جاویں گھر شوء نو جاوکھا کڑیے

آ کڑیے آ کھ لگ کڑیے پردہ میں دامنہ توں لاء کڑیے
میں رکھے محروم بچناں توں توں توں دا سبق پکا کڑیے
میں نوں توں دے وچ گم کر کے قرب بچناں دا پا کڑیے
کالا پیلا نہ کوئی رہیا اتھے توں توں دا ساز و جا کڑیے

آ سوہنی آ کھ لگ میرے مت سکھ توں یار دے پاو نے دا
یار اپنے توں بے خبر تھیویں سکھ ٹنگ توں یار مناو نے دا
تیرے گند اندر تیرا یارو سے پردہ رکھ نہ یار لکاو نے دا
کالے خاں توں خط لکھ پیردی چاہ کر لے ڈاک وچ پاو نے دا



ب بات نہ سمجھی اک یار ابا نا فقر دا پھیر سجا یو ای

ب بات نہ سمجھی اک یار ابا نا فقر دا پھیر سجا یو ای
خانے حق دے کدی نہ چات پائی ایویں قیمتی وقت گوا یو ای
لنگی چڑی نہ مردی فیر تیتھوں نام سبز باز رکھوا یو ای
کالے خاں دنیا ٹھگنے نوں تسباں گل فریب دا پائو ای

باطنی کھول اکھیں دلوں دوئی دا پردہ چاء کڑیے
کریں ٹول گھروچ لب لویں تیرا یار نہیں تیتھوں جدا کڑیے
اے تلکن بازی ویڑہ اے پیر سنمہل کے فیر ٹکا کڑیے
کالے خاں اوندیاں او جانے سروں اپنا قرض توں لاء کڑیے

بات او سیانی جیڑی گھروچ یار نوں سیان گئی
انگی عشق پریم دی گھت آٹا او تاں نال ہلاریاں چھان گئی
دکھ سکھ من تو لاء سبھے او یار تو ہو قربان گئی
کالے خاں او پردھان جانو جیڑی گھروچ یار سیان گئی



۱۷

بات پیار دی سمجھ لو یں ایویں جگ نہ شور مچا کڑیے
من وچ مسیت دے کریں سجدہ یار کرے معاف خطا کڑیے
جھک درتے سیس نوادیویں سکھ کمال گرتوں دا کڑیے
کالے خاں سیاپی جاویں اتھے جد کرے گا فضل خدا کڑیے

بات دی فیر پہچان آوے پہلاں اپنے آپ نوں پاڑیے
وچ کڈھ حرام ہلال ہونا چھڑی عشق دی فیر توں کھاڑیے
سردتیاں جے کریا رمنے اگے یار دے سیس جھکاڑیے
کالے خاں نوں نبض دیکھا اپنی ایویں فیر نہ عمر گواڑیے

پ- پرے ہٹا نہ ہو رسانوں ساڈا تھ سوانہ ہو ریا را
اوڑک تیرا اے مان تران سانوں اتھے کی نمائی دازوریا را
مہر کریں تے تیری اے مہربانی تیتھوں بعض نہ دسدا ہو ریا را
کالے خاں میں سب کجھ ڈھا بیٹھی تیرے ہتھ اسوں دی ڈوریا را



۱۸

ت تار کھڑ کے گھر عشق والی کن لا کے سن و چار یے نی
اس تار نے تار یا جگ سارا اے تار نہ منوں و سار یے نی
آئے گئے فقیر دی غور کر یے میناں تاڑ نہ پنجرے مار یے نی
کالے خاں سامنے ویکھ بیٹھا پردہ مکھ توں چک نکار یے نی

تیرا جگ جہان تے نام روشن چوکھٹ مل توں کسے سیانیاں دی
تیرا ڈبیا بیڑا تار دیوے اتھے پندی نہ لوڑ مہانیاں دی
تسبیح پھیریں دل نہ پھرے تیرا اے سوچ سمجھ ایانیاں دی
یار گھر و سے لبھیں باراونوں کالے خاں اے عقل نما نیاں دی

ث ثابت رکھ ایمان بیٹھوں تینوں پتہ نہ اصل ایمان دا ای
دسے کھول کے ایمان دیاں فیہ صفتاں تینوں پتہ نہ یار دی شان دا ای
جبہ پین دستار بن یار اہانہ کھیرتے حلوہ کھان دا ای
کالے خاں درکاریاں دور جاویں پٹے باز نہ یارسیان دا ای



۱۹

ثابت ہو کے دیکھ لو یں اتھے چلنا نہیں تیرا وس کڑیے
اکھیں دل دیاں کھول کے دیکھ ذرا تیرا یا نہیں تیتھوں دکھ کڑیے
جھوٹے ہار سنگھار نہ کم آون گلوں لاء کے اوناں نوں سنٹ کڑیے
کالے خاں قبولی جائیں اتھے جدوں پویں گی گراں دے وس کڑیے

ثابت ہو کے دیکھ نہیں یا ر تیرا تیتھوں دور یا را
شاہ رگ دے ہے قریب و سے تیرے دیکھنے وچ قصور یا را
کسے کامل دا جا کے در ملیں اکھیں بھر دیوے سو ہنا نور یا را
کالے خاں اپنا آپ چھٹے جدوں صاحب دی نظر منظور یا را

جگ جہان میں ڈونڈ تھکی تیرے جیہا نہ ملیا یا ر کوئی
تو آویں دکھ جان بے تیرے جیہا نہ ہو وصال کوئی
نامہ عشق دا گل وچ پاد یویں تیرے جیہا نہ ہو ر سنیا ر کوئی
کالے خاں صد کڑے جند واراں تیرے جیہا نہ ہو ر جمال کوئی



۲۰

جان دیاں دی نہیں خبر تینوں اوں کوڑ دے ہٹ پیار بیٹھوں
گھر ہنگ جوین دا کریں سودا باہر بورڈ کستوری دالا بیٹھوں
وکیہ رنگ برنگیاں بھل گئیوں اوں قیمتی وقت گوا بیٹھوں
کالے خاں نہ ملیا صاحب تینوں پھندا دوئی دا گل وچ پا بیٹھوں

جگ جہان نوں چھڈ جانا ای سکھ تو اگے داراہ کڑیے
ملک الموت نے اک دن آونا اے او تھے جائیں گی فیر شرما کڑیے
لیکھا تہ تو صاحب نے منگنا اے کیڑا دیویں گی عمل ویکھا کڑیے
کالے خاں صالح عمل کر لے چاتی اپنے آپ وچ پا کڑیے

جگ ہے کوڑ مکان تیرا اندا کریں نہ اعتبار کڑیے
تن من نوں یار توں وچ دیویں گھانا پوے نہ ایس پیار کڑیے
میں اوندی او میرا اتھے ہو رہا نہ کوئی مختار کڑیے
کالے خاں نوں کریں الگ ایتھوں وارث رہے گا فیر کرتار کڑیے



۲۱

جگ دا کریں ناں پیار کڑیئے اے جگ نال نہ جاوناں اے
سوسال تو کردی رہی کھیڈاں اک دن ملک الموت نے آوناں اے
پٹڑے کت کے پالما بہناں بھائیاں نے رو وکھاوناں اے
کالے خاں توں حق تو ہویوں باغی آخر مرداھو کے جاوناں اے

جگ نوں خواب خیال جانیں ایندے نال نہ کر پیار کڑیئے
اکھیں کھول کے عشق دے وڑیں ویٹڑے اک پل وچ کرے نہال کڑیئے
یا حق دی وچ تو گم ہو جائیں ویں کریں نہ حال فکار کڑیئے
کالے خاں تو گردے چرن پھڑلے پل وچ ہوئے جمال کڑیئے

جان میں سجن تو وار دیواں جیڑا دوئی دا پر مکا دیوے
سینے اگ فراق دی پھڑک دی اے پھوک مار کے جیڑا بجھا دیوے
شرک تے کفرنوں دور کر کے رنگ الف تے م دا چڑھا دیوے
کالے خاں میں دیواں سر صدقہ جیڑا دور دا پند مکا دیوے



۲۲

جگ وچ حسن پروھنا ایں ایندی بیٹھ کے کریں وچار کڑیئے
ڈبے عاشقاں دے بیڑے تار دیندا اک پل وچ کرے نہال کڑیئے
ہتھ بن کے حاضری نہیں دینی نہیں رکھنا غیر نوں یاد کڑیئے
کالے خاں تو گردے چرن پھڑلا دیندا اوچھڑے یار ملا کڑیئے

خ خوار ہوئیوں توں وچ دنیا بوا کا ملاں دانہیں ملیوای
متی دیندیاں عمر گزار بیٹھوں پاسا اپنا نہیں اٹھلیوای
تینوں وہم نے مار خراب کیتا تیرا دل غرور نے سلیوای
کالے خاں سیاپ کرالویں اشرف المخلوقات بنا کے کلیوای

د دسیا گردا سچ جانیں گردوئی دا بھرم مٹا دیوے
جدوں جان کنڈن دا آوے ویلا گر حمتی کرم کما دیوے
جدوں پل صراط دا آوے ویلا گر بانہوں پکڑ ٹپا دیوے
کالے خاں گر سچ جانی ہتھ جنتی ٹکٹ پھڑا دیوے



﴿ ۛ ۛ ۛ ۛ ۛ ﴾ 23 ﴿ ۛ ۛ ۛ ۛ ۛ ﴾

درد اولڑالے کے آیا اپنے کیتا نہ کج تقصان سیو
جیویں سوھندہنچ دے وچ لاڑا ایندی اچڑی سب توں شان سیو
؛ میں ایندی اے میرا ہنوں ویکھیاں ٹٹ گئے مان سیو
کالے خاں ویکھ نہال ہوئیاں اندر بیٹھا اے رب رحمن سیو

دوئی نوں منوں کڈھ کڑیے پیر سبناں دے بوئے پاں کڑیے
منوں غم اندیشہ دے چھڈ دیویں سنی سبناں دی صدا کڑیے
انے لکھ ہزاراں دین بدیاں پیراک نہ بوہے تو چاء کڑیے
کالے خاں اوندی اں او جانے تو گردا شکر منا کڑیے

دوئی دالاء لباس کڑیے باناں سبناں دا گل پاء کڑیے
الف م دی پا بوئی نال ل دے فیر سجا کڑیے
درد دکھ مصیبتاں جان بے کھول اکھیاں کرسیان کڑیے
کھول اکھیں دل دیا فیر ویکھیں نو لکھی دادرشن پا کڑیے
کالے خاں اسی ہاں تیرے ساتھوں ایویں نہ مکھ چھپا کڑیے

﴿ ۛ ۛ ۛ ۛ ۛ ۛ ﴾

۲۴

دولتاں نعمتاں کول تیرے اسی ننگ ترنگ محتاج یارا
کریں غنی گداناں پلک اندر بخش دیویں کنگالاں نوں تاج یارا
متھے لگیں نہ کسے دے توں کریں باجھ وزیراں دے راج یارا
کالے خاں تساں دی اے مہربانی لڑکیاں دی رکھیں لاج یارا

ذ ذاریاں کردا تھک گیوں کر دوئی دے نال پیار بیٹھوں
جنوں سدناں اے اولبد انہیں گھروالے نوں منوں وسار بیٹھوں
پاسے وانگ اے یار مثال تیری زرداں سچیاں سمجھے توں ہار بیٹھوں
کالے خاں کوچ مقام تیرا ایویں لمبڑے پیر پیار بیٹھوں

ر رنگیاں اوچنگیاں نے جیڑیاں عشق دے رنگ وچ رنگیاں نے
جیڑیاں صاحب دی نظر منظور ہو یاں او مندیاں وی فیر چنگیاں نے
جناں گھروچ حق نوں لہہ لیا او وچ حضوری منگیاں نے
کالے خاں اوہ تروں آزاد ہوئیاں جیڑیاں ناگ نفی نے ڈنگیاں نے



۲۵

رنگ جناں نوں آچڑھیا بوئے دوئی دے پیر نہ پاوندے نے
توڑتسی جنجو جنجال والا اک اک داناں تیان دے نے
کھیڈاں پاداریاں وانگ چلے ڈور و عشق دا پئے و جاوندے نے
کالے خاں مطلوب دے بیٹھا گے درد اپنا پئے سناوندے نے

رنگنا رنگ چڑھا کڑیئے تیرے گھر ناری آ گیا
الف ل تے م دارنگ رنگے تیرے من نوں اڑیئے بھا گیا
ع ش دی قلم پھڑکے رنگ ق دا فیر چڑھا گیا
کالے خاں ع و چ ع ڈٹھا نقطہ غ دامنوں اٹھا گیا

س سب تدبیراں فیل ہوئیاں جدوں تیر کمانوں چھٹیوای
وڑیا ٹھگ سلکھناں آن ویہڑے جھگا میں نمائی دالیوای
ہوئیوں بے پروہ نہ ترس کیتا خنجر نال تو حید دے کٹھوای
کالے خاں و سدا ریوں کو لے کدی حال نہ اساں دا کچھوای



26

سب کرامتاں وچ تیرے لیکھا اپنا کدی نہ لیکھو ای
چڑھ ممبری و اعظ ہدایت کریں متھا کامل نوں کدی نہ ٹیکو ای
دھواں تکھ داعشق محبت والا صبر شکر دے نال نہ سیکو ای
کالے خاں جنگلی مندري دوڑ تیری گھر چھڈ کے باہر کیوں ویکھو ای

سانو لے نین نذیر تیرے سرمہ لوڑ دی لوڑ نہ چاریئے نی
رکھ پب سنگھور زمین اتے کتیا قول نہ منوں و ساریئے نی
ھوویں فیر شرمندی صاحب اگے کی دسیں گی کھول و چاریئے نی
کالے خاں صاحب دی دیدادوں جدوں اپنے آپ نوں ہاریئے نی

ش شوء وچ کدھ نہ ویکھو ای کسے درد منداں دے نال یارا
لوہا کا ٹھ نال اک ھو کے گیا لنگ سمندروں پار یارا
تینوں وہم نے مار خراب کیتا انیاں ھو گیوں وچ سنسار یارا
کالے خاں اے مکھتی ملے سودا بوے کا ملاں دے توں جیارا



۲۷

شک توں اپنا کڈھ کڑیے اکھیں کھول حد نہ لنگ کڑیے
شک انیاں کرے سجا کھیاں نوں عشق کرے نہ شک پسند کڑیے
عشق ڈونگرے کھوہ وچوں کڈھ لیندا گلے پا حسن کمند کڑیے
کالے خاں سیا پی فیر جاویں جدوں چڑھے مطلوب دارنگ کڑیے

شوق دا گھنڈ توں چاء کڑیے ایس گھنڈ وچ بہت خواریاں نے
گھنڈ رکھے محروم بنناں تو ایس گھنڈ وچ مسیتاں بھاریاں نے
گھنڈ رکھ کے لہدی باہر پھریں تیریاں گھنڈ نے عقلاں ماریاں نے
کالے خاں جنھاں نے کنڈ چایا او صاحب نوں لگن پیاریاں نے

شوق دا لاء چولا کفنی عشق دی گل وچ پایا را
مر جائیں تو مرن تو فیر پہلے ٹلے کامل گردے جایا را
تینوں جوگ دے کے ٹور دیوے تیرے کھول دیوے سے راہیا را
کالے خاں بچے اگر پیندے جدوں کرے گا فضل خدا یا را



﴿ ۛ ۛ ۛ ۛ ۛ ﴾ 28 ﴿ ۛ ۛ ۛ ۛ ۛ ﴾

شوق دی چانجر پاں پیریں بوے عشق دے قدم ٹکا کڑیے
اے چانجر دا چھنکار اوٹا ای صبر شکر دے نال چھنکا کڑیے
چانجر دی چھنک سنے عرشاں تے دسدی حق داراہ کڑیے
کالے خاں دا شکر منا کے جھات اپنے گھر وچ پا کڑیے

شک وچ عمر گنوا بیٹھوں کدے پایا نہ اپنے قلب پھیرا
لین مت آیا ای ہو کمت گیوں کیتا مور کھاوانگ تو آن چیرا
چڑھ ممبری و اعظ ہدایت کریں ریا حق تو دور شعور تیرا
کالے خاں تو گردے چرن پھڑلے راہ کردا پل وچ صاف تیرا

شوق دا تمبا و جدا ای کریں سن کے سوچ و چار کڑیے
اے وچھڑے سجن میل دیندا اکھیں کھول کے کریں دیدار کڑیے
اے تمبا عرش عظیم دا اے ایویں ڈھونڈ نہ فیر بازار کڑیے
کالے خاں اے تمبے دی رمز ڈاھڈی مرشد دیندا پند مکا کڑیے

﴿ ۛ ۛ ۛ ۛ ۛ ﴾

29

شوق دا بھریں پانی بھر مٹکا سرتے چاء کڑیئے
چلیں چال پیار محبتاں دی کتے راہ نہ پئی چھلکاں کڑیئے
اے چھلکیاں کم آونا نہیں دوہاں ہتھاں دے نال ٹکا کڑیئے
کالے خاں اے حیات پانی پی کے گردا شکر منا کڑیئے

شوق دے وڑیں بازار اندر سودا لے جو من بھا وندا ای
سودا خرید کے نہ پوں ویکھیں نفع نکلے یار دے نام دا ای
کئی ہٹ پیاری ڈھونڈ تھکی سودا نال قسمت دے ہتھ آ وندا ای
کالے خاں بے ہون نصیب چنگے نال قسمتیں دے گنج پا وندا ای

شوق دا ویکھنا نہیں تیرا تیرے ویکھنے وچ قصور کڑیئے
ہویں عاجز چ نہ آوے تینوں تیری عاجزی نہیں منظور کڑیئے
رکھ کن تے قاری دی قرت سن لے چھڈ عقل تے رکھ شعور کڑیئے
کالے خاں تو گردے چرن پھڑ لے چمکے ہر تھاں یار دانور کڑیئے



شوق دا چر خاڈا کڑیئے تینو کتنے دا اول آ جاوے
لٹھ عشق پریم دادے پھیر ایڑھ مال تیرے من بھاہ جاوے
لالہ دی پا پونی دھاگہ حق دا بھیت بتا جاوے
کالے خاں دھاگہ پونی اک جانی جدوں گر کامل سمجھا جاوے

شکر مناواں سبجاں دااوساڈرے گھر آ گئے
کفر شرک نوں دور کر کے سوہنے اگلی گل سنا گئے
راہ بھلی ساں میں سبجاں دامینوں آپے راہ دکھا گئے
کالے خاں نوں کر لاہمبے اوآپے من سما گئے

عشق داجیڑی بھرے پانی اونے بھر کے سرتے چایا ای
مکتب عشق دے اوقبول ہو یاں جہاں الف تے منوں پایا ای
ع، ش، ق دا پا پردہ آپے یار نے مکھ چھپایا ای
کالے خال نوں کی دوش اتھے آپے وحدت کثرت وچ آیا ای



31

شکر منا کے فیر بیٹھ گئی ساڈے جن گھر وچ آ گئے
ہوش ہوا بھل گئے ساڈے سوہنے آپے گھر سما گئے
راہ پلی میں سجناں دامنوں آپے راہ دکھا گئے
کالے خاں میں شکر منا بیٹھی سوہنے اپنا فیر بنا گئے

صفت خزانہ تیرے اندر تینوں نظرنہ آوے یار
کھو جی لبھیں کھوج داسیا ناجیزا تیرا کھوج لبھاوے یار
کھو جی دل داحرم ہوے جیڑا کھرا توڑ لجاوے یار
کالے خاں جند کھو جی تو داراں جیڑا سب کچھ موڑ لیاوے یار

صبر دا پھل اے بڑا میٹھا اینوں کھا کے دیکھ نادان کڑیے
اینوں کھا دیاں بڑا ثواب ہوئے نظر آون گے دوویں جہان کڑیے
اینوں کھاندے نئے عشق دی رمز ولے ہو گئے گونگے لوچر بذببان کڑیے
کالے خاں براق دے راگ سن کے اُچی ہو گئی انھاں دی شان کڑیے



32

ض ضامن ہو یا جدوں پیر میرا بدیاں ساریاں منوں ہٹائیاں نے
جناں سنیاں دے نال میں نت کھیڈاں سبے من تو کول گوائیاں نے
کتاں وچ ترنجی بیٹھ چر خاپن سوت دیاں لا صفا ئیاں نے
جیوے پیر میرا سوہنا جگ اتے جنے گلوں ملامتاں لائیاں نے

ط طلباں سبے چھڈیاں اسکھ گرتوں کوئی گیان یارا
وسے گھرتیرے لہیں باہراونوں رکھیں ستویں عرش نشان یارا
اے ناقص سودا کم آ ونا نہیں کتے کرنہ بیٹھیں گمان یارا
کالے خاں سچ اودوں لے جدوں پاوے گا گرتیاں یارا

طلباں سبے دور ہوئیاں جدوں سوہنا گھر آ گیا
گلوں ڈگ پئے ہار سنگھار میرے جدوں سوہنا مکھ وکھا گیا
اونے سبے راہواں روک لیاں میری پکاں وچ سما گیا
کالے خاں کنوں دوش دیواں سوہنا لٹی گل سنا گیا



33

طالب اس داھو ویں جیڑا دل داروگ گواوے یار
کفر شرک نوں کھو وچ پاوے جیڑا کلمہ پاک پڑھاوے یار
کوڈیوں لعل کرے سوہنا لعلوں اصل بناوے یار
کالے خاں سب جھگڑے مکدے جدوں مہر محمدی لاوے یار

ظ ظلم دی دا تری پکڑ کے ظالماں واڈی جگ تے پا دتی
ظالم مکر فریب دے پرھن تھبے پری بن پھلواڑے لا دتی
فلا فند فریب دا گاہ پایا پھڑ ترنگنی شرم اڑا دتی
کالے خاں دوئی داراج ڈاڈا تکرڑی دین اسلام نوں ڈاھ دتی

ع عقل دی جاء نہ فیرا تھے عقل رب داراھ بھلا دیندی
آدم حوانوں کڈھ بہشت وچوں چڑ دے لیندے جدا کرادیندی
منگی غیروں پناہ ذکر یے نے عقل آرے دے پیٹھ چرادیندی
کالے خاں عقل دا عقل دارو عقل دسویں دوار پنچا دیندی

##

34

عشق دے آکھے لگ یار عشق عشق دی کرے دعا یار
عشق پلایاں نوں راہ لا دیندا عشق دیندا اے سچ وکھا یار
عشق چھری دے پیٹھ وی کس جاندا گیا بوٹی عاشق دی کرے صدا یار
کالے خاں ہر پاسے سچ دے سے نقطہ غ دامنوں اٹھا یار

عشق دی چال انوکھڑی اے کتے کرنہ بیٹھیں گمان کڑیے
اکو جیڈیاں دا کہنا من لوں صوبہ ہوئے دوہی جہان کڑیے
اچی آئی نوں صاحب نہ معاف کردانیویں ہو کے کریں دھیان کڑیے
کالے خاں گردے چرن پھڑلے ایویں رہی نہ فیر نادان کڑیے

عشق دے دل تو آ یار عشق ٹنیاں دلاں نوں جوڑ دا ای
بیڑا شوع دریا وچ ٹھیل دیندا پار لا وندا وچ نہ بوڑ دا ای
چوکھٹ یار دے وچ تو ہو عاجز خیر حق دی دے کے ٹور دا ای
کالے خاں انھاں نوں خوف کس دا جیڑے لب بیٹھے سا تھی توڑ دا ای



۳۵

عشق نوں فیر تو سمجھ لو یں عشق عشق دی کرے وچار کڑیے
عشق ٹٹیاں دلاں نوں جوڑ دیندا اک پل نہ کرے ادھار کڑیے
عشق آئی بلانوں ٹال دیندا عشق عشق دا کرے جمال کڑیے
کالے خاں دے توں لگ آکھے رکھ عشق نوں فیر سنمہال کڑیے

عشق دے لگ آکھے عشق بھلیاں نوں راہ لا دیندا
عشق مردیوں کرے زندہ کفنی عشق دی گل وچ پا دیندا
عشق دارازا نو کھڑا ای اے لکھوں لکھ بنا دیندا
کالے خاں آب حیات ملے اوھدوں جدوں مرشد گل سنا دیندا

عشق دے وڑیں بازار اندر گھنڈ دوئی داکھ توں لاء کڑیے
تینوں ہٹ پیاری نظر آوے اکھیں کھول کے نظر ٹکا کڑیے
تکڑی نیناں دی پا کے او تول دیوے شکر تو پلڑے پا کڑیے
کالے خاں گھٹ کے بنھ لو یں فیر پچھ نہ ایس دا بھاہ کڑیے



۳۶

عشق دے آن کے وڑیں ویہڑے ایویں بول نہ اوڑا بول کڑیے
تیرا یا رگوا چیا لہجہ جاوے گھراپنے وچ توں ٹول کڑیے
لہجے یا ر محبتی لا سینے وچ رکھ نہ دوسرا ہور کڑیے
کالے خاں توں گردے چرن پھڑلے ایویں پانہ جگ وچ شور کڑیے

غ غیر ہوئیوں توں فیر یا را نقطے چاء پلکھڑا پائیوای
نہ کوئی آیا تے نہ کوئی گیا ایتھوں ایویں وہم دا کوٹ بنائیوای
ہر نظر آوے تینوں ہر جائیں جدوں اپنا ہر گوائیوای
کالے خاں نہ عتل دا دخل ایتھے آپے ہرنے ہر چھپائیوای

ق قملیاں دے گل عشق مڑیا ایتھے سیانیاں دی کوئی جاء نہیں
قمل قمل کھلا رکے لنگ جانہ ایتھے سیانیاں نوں کوئی راہ نہیں
قمل بیٹھ گیا دین دی کٹ رسی ایتھے سیانیاں دی کوئی واہ نہیں
کالے خاں سیانا خودی کردا قملے بعض اے لب دادا نہیں



ک ۳۷ ک

ک کرم جاگن یار ستے بوا مل توں کسے سچیا ردا ای
جیویں لکڑی لوئے نوں تار دیندی ایویں کامل مرشد تاردا ای
سروں لاء اندھیر شرے دور کردا اوتاں کفر ہنکار نوں ماردا ای
کالے خاں توں گردے چرن پھڑ لے دین دنی دے کم سنواردا ای

کرماں دی کیمھتی تیری کدی نہ پھیرا پاویں یار
چڑیا چکیا کھیت تیرا خالی اٹھ گھراں نوں آویں یار
ماریں ہو کر اڈاویں چڑیاں ول نہ آوے ہو کر یار
کالے خاں گر ایسا چائے جیڑا سارا کھیت بچا وے یار

ل لاکے نال پریم ساڈے ہن دور کیوں اساں تو نساں ایں
حد لا مقام دی دس سانوں آپ ہر تن وچ وناں ایں
کیتے روندھیاں دس وچ دس تیری کتے ہس دیاں دس وچ ہسناں ایں
کالے خاں نوں مفت المبرٹاں ای آپے آپ سبھے ٹھنگ دسناں ایں

ک ۳۸ ک

۳۸

لگیاں دی نہیں خبر تینوں مسلے ہو ر دے ہو ر بنا بیٹھوں
 کلیاتینوں عشق دے ونج پاروں گھر کولیاں دے ڈھیر لا بیٹھوں
 من اپنے دے اندر نہ چات پائی ہتھوں قیمتی لعل گوا بیٹھوں
 کالے خاں نہ گردی مت پائی ساری عمر داروگ تولاں بیٹھوں

م مرنا تدا مرنا نہیں سکھ مرن دا گر تو ول یارا
 او کوڈ ویوں کردا لعل سو ہندا دیر نہ لاند اک پل یارا
 قطرہ رحمتی کرے عطا سو ہنا اک قطر یوں کردا تھل یارا
 کالے خاں جھگڑے مک جان دے جدوں دے سو ہنا تو حیدی گل یارا

مرنا تدا مرنا نہیں سکھ گر تو مرن دا داء یارا
 ع، ش، نوں سمنے رکھ کے عشق دے نال سجا یارا
 د، م، ویکھیاں پند مکے چاتی ح دے ول پایا ر
 کالے خاں توں وہم نوں دور کر دے نہیں بندیوں جدا خدا یارا



۳۹

ن ناراض رہندا يار تيراساري عمر نہ يار منايو اي
اگے غيردي رکھ کے کرے پوجا تو تاں سچ نوں پچھا ہٹايو اي
ذکر يار دانيں بلند کيتا وڈہ اے تو ظلم کمايو اي
کالے خاں مسکين دے پيشوانے ايسار حتمی مہنہ ورسايو اي

نظر اے خامي تيري کتے نہ حق نکا ويا يار
ديد آں بنيوں پنج پنج مندر ي جا ويا يار
ہے نيڑے پرسوج نہ تينوں ايويں وقت گوا ويا يار
کالے خاں سچ اودھوں لھے جدوں گرداسر ماپا ويا يار

ہ ہارنا تدا ہرنا نہيں جے کرمنوں نہ سجاں ہارنا ايس
منکا پا فریب دا گل اندروا جاں انياں وانگ تو مارنا ايس
راتیں بيٹھ کے گھر دا کريں ليکھا دنیں کٹياں وچھياں چارنا ايس
کالے خاں لب لاگر کامل حاضر چھڈ کے فير کيوں بھالنا ايس



۴۰

ہاں پھلاں دے پین تیرے درس عشق دے تو جا کڑیے
لہر عشق دی وچ توں گم ہو جا قرب سبناں دا جاویں پا کڑیے
اکھیں دل دیاں کھول کے ویکھ ذرا اک دم نہ ھوے جدا کڑیے
کالے خاں نیوں کے لنگ جاویں سچا سبناں دا اے راہ کڑیے

ے یاریاں سب خواریاں نے یاری لا کے سبناں نساں نہیں
پیت یار دا کٹ کے رکھ پلے اگے غیر دے کھول کے رکھنا نہیں
پاویں لکھ الا ہے ملن بدیاں سیس یار دے بو ہے تو چکنا نہیں
کالے خاں عشق دے وڑ و ہڑے بو غیر دا فیر تکنا نہیں

۴۱

41

وساکھ

چڑھیا فیر وساکھ تترئی نوں سنے کونج طرح کر لاٹ میرا
تیرے درد فراق نے چور کیتا کدی پایا نہ سبناں آن پھیراں
رواں مٹھیاں میٹ کے نت بیٹھی گھر لایا خزاں نے آن ڈیرہ
کالے خاں میں ایس نوں گر منا کیڑا موڑ ملاوے یار میرا

جیٹھ

چڑھیا جیٹھ ہنڑا تترئی نوں پھراں مچھلی وانگ تڑپ دی وے
اساں یار وچ یار اساں وچ تار کھڑک دی اے بس بس دی وے
سیو یار توں جان قربان کیتی سچے قول تو مول نہ نسدی وے
کالے خاں ٹریا پاء نیوی گل رہی نہ اساں دے وس دی وے

چڑھیا جیٹھ عشق ماہی دے بن کے آ گیا ساقی نی
لامکا می سانوں دس کے کھیڈی اک چالاکی نی
آپے کہند اھو کر مارو آپے کردار اکھی نی
کالے خاں نوں وچوں کڈھ کے آپے رہ گیا باقی نی



ھاڑ

چڑھیا ھاڑ رکھاں اڈیک تیری کتے آمل بجن پیار یاوے
کیڑی گل تو سجناں رس گیوں منہ تڑی تو کیوں پو الیاوے
ہر تھاں وچ چڑھاوے تیری ویہڑہ تڑی نے سارا بھالیاوے
کالے خاں تو گھر وچ ریوں چھتا گرو لبھا بارہ تالیاوے

چڑھیا ھاڑ عشق دا بھر پانی چک مٹکا کھوہ تے جا کڑیے
گاندھی نال محبتاں گیر لویں بھر مٹکا شکر منا کڑیے
کروعدہ سرتے چاں لویں قدم سمجھ کے فیر ٹکا کڑیے
کالے خاں کٹ نہ چھلکے تیرا دیں جہانی جا پیں پردان کڑیے

ساون

چڑھیا ساون شوء نے ٹاہ لائی سب کجھ نمائی داروڑیوای
حکم تہاں دانہیں انکار ساڈی کیوں مکھ نمائی تو موڑیوای
رہیوں بن رقیب جہان اندر ٹٹے دل نوں کدی نہ جوڑیوای
کالے خاں کمبیا عرش بریں گھروں تڑی نے جدوں ٹور یوای

۴۳

چڑیا ساون شو دی کر پوجا کسے کامل توں پچھ لے دا کڑیئے
اے جو بن حسن پروانہ اے اک پل نہ کریں وسا کڑیئے
من وچ تو من لے سبناں نوں اک دم نہ کریں جد اکڑیئے
کالے خاں دوروں نیڑے لدھا توں گردا شکر منا کڑیئے

بھادوں

چڑھیا بھادوں اے درد بھناں دامیری رگ رگ وچ تا گیا
رکھ صدق یقین دھیان پایا میرے لوں لوں وچ سما گیا
تو میں دے جھگڑے سب مکے اکو حرف تو حیدی پڑھا گیا
کالے خاں میں شکر منا بیٹھی آپے آپ بجن گھر آ گیا

چڑھیا بھادوں عشق ماہی دا کر کے آیا تہا یانی
لاں کے آس تن من بیٹھا گر پلکھا چا یانی
میں بولاں تے چڑکاں مارے فیر آپے آپ بلایانی
کالے خاں بے دردی لبھا گجھا تیر چلایانی



44

اسوہ

اسوہ آس بیٹھی رکھ سجناں دی چلو پنچے پیر منائیے نی
من غوث قطب ابدال چارے کی شاہ دادرشن پایے نی
روگن عشق دی ہاں چروکئی میں سردار شاہ نوہتھ وکھائیے نی
کالے خاں اے کسے دی من دانیں اینوں اپنی گل سنائیے نی

اسوہ آساں سب مکا کے ججن آنگن آ یا نی
نیناں نال نین ملا کے میرا دین گوا یا نی
مارا اشارہ ممبر چڑھیا حق دا سخن الا یا نی
کالے خاں توں شکر منا الف ، م گھر پایا نی

کاتک

کتن کتیا کسے نہ کم دا ای کتیا جائے نہ جے بریک کڑیے
پیچھا پوہ کے کدی نہ ویکھو ای رکھیں توں سنسار دی ریت کڑیے
انی ہو کے جنگلاں وچ لبھیں گھر سمجھ بیٹھی کوئی نیچ کڑیے
کالے خاں مت کالماں دی ہور جھگڑے سب بخیل کڑیے



45

کتن کاتبی ایتھے چلنی نہیں اویں بول نہ دوئی دے بول کڑیے
مندری جنگلی نہ لہے ہر دم یار ر ہندا تیرے کول کڑیے
اول آخر آپ د سے ایتھے چلنا نہیں تیرا زور کڑیے
کالے خاں یارنوں یار ملیا دو جانہ دسدا ہور کڑیے

مگھر

چڑھیا مگھر یاراں داراہ ویکھاں کیڑے راہوں بجن آوند اای
ہتھ بن چرن غلام ہوئی بانہوں پھر کے گلے لگا وندا اای
بھارالاء کے ہست داسروں ساڈے چنگ لاکے پھوک جلا وندا اای
کالے خاں سردار شاہ پیر تیرا جیڑا جڑی جھوک و سا وندا اای

چڑھیا مگھر عشق نے شور پایا یا رگھر سولڑا آ گیا
پختی پہرودین دے سب نسے جدو سو ہنا مکھ وکھا گیا
اک پل ایس توں منہ نہ پھیراں ساڈے ویکھنے وچ آ گیا
کالے خاں مردیوں ہوئی زندہ ایسا گر محمدی بتا گیا



46

پوہ

چڑھیا پوہ دلی دلیل آئی بوا ملیے پیر سردار شاہ دانی
ڈبی ڈوگرے وچ طوفان کشتی سنیا کامل ملاح اوتار دانی
لالہ دا ونج لا کے گھاٹ شوء دے جاتا ر دانی
کالے خاں نہ کدی احسان بھلاں جپاں نام او سے لچ پال دانی

چڑھیا پوہ بجن ملیا اونے آن مکائے چڑے نی
ایویں بے سوجھی مندر ٹوٹاں یارو سے گھر میرے نی
لک لک سوہنا چاتیاں مارے ناں دور ناں نیڑے نی
کالے خاں میں چر نی پے گئی ویکھ یار دے پھیرے نی

چڑھیا پوہ کنوں دسا جوگی آپ گھر وچ آ گیا
لالہ دی اڑیوں بین و جا کے اک روگ اولڑا لا گیا
ایس روگ نوں روگن آ کھوا یہہ تو حیدی رنگ چڑھا گیا
کالے خاں گرا یا ملیا جیڑا ستے لیکھ جگا گیا



47

ماگھ

چڑیا ماگھ درد مطلوب دے نی چلورل سہیلیاں ساریاں نی
میرے پیرنوں رب توفیق دیتی کئی سنتاں اس نے تاریاں نی
کئی روندیاں گھراں نوں فیر آئیاں گئیاں عید مناو چاریاں نی
کالے خاں عشق دا ملے پیکھیاں او تھے ہوندیاں پر نکاریاں نی

پھکن

پھکن چڑیا رحمت دا پیا پانی بوٹا آس امید دا ٹیک آیا
کھڑیا موتیا پھل چمبیلی کلیاں سبز رنگ خوشنودی مہک آیا
دیورل مل مبارکاں سہیلیوں نی اج اساں دے گھر اولیس آیا
کالے خاں میں اوس دی کراں پگھتی سوہنا ساں نوں کرن ہدایت آیا

چیت

چاء چڑھیا سانوں سجناں دا اسی سجن ڈونڈھن چلے نی
اے عشق دار از انوکھرا اے درکاملاں دا جاملیے نی
دل دے کے دل خرید لینے پاسا اپنا جاتھیلے نی
کالے خاں گر کامل باہجوں ایویں وقت گواویں جھلے نی

﴿ختم شد﴾





حدیث قدسی

اے ابن آدم! ایک میری چاہت ہے اور
ایک تیری چاہت ہے ہوگا وہی جو میری
چاہت ہے۔ بس اگر تو نے سپرد کر دیا اپنے
کو اس کے جو میری چاہت ہے۔ تو وہ بھی
میں تجھے دونگا جو تیری چاہت ہے۔ اگر تو
نے مخالفت کی اس کی جو میری چاہت ہے۔ تو
میں تھکادوں گا تجھ کو اس میں جو تیری چاہت
ہے۔ پھر وہی ہوگا جو میری چاہت ہے۔

